

www.BibleForChildren.org


Matyu 1




Te we Elisabet haliga elama, polua a naga olama,
me badu nogo deli wagisu, tama Godigo te ensel
bidi nogi Gebriel te bulu me nogi Nasaretba pao
walio. Gesi wegi me te bidi Josepbolo noma po wai,
te wegi nogi Maria dao, “Te wegi pageba po pusigi
pao,” te Godigo te enselbolo te tama po wali.



Tama te ensel bidigo Mariabolo
“Nage wi egio,” te po wali. “Godigo
nage dali dwagi yai homu ebao.
Edao! Nage haliga yaibao. Nage
haliga elama, ogwa tega paibao.
Te ogwa nogi nago Jisas
poao. Aga genuai bidi
bidaibao.”



“Tama Godigo te po waibao, ‘Aga nogi
Genuai Godigo Ogwa dao,’ waibao.
Godigo aga genuai bidi nigilaibao,
aga nq̄ Devitgo yali gilama. Te
tigidali sogo Jekopgo hanigo
genuai bidi bidaibao. Aga
te we bidi sesemane
sogo tonaluaibao,” te
enselgo te po wali.



Tama Mariago enselbolo te po hanalu wali, “Ena bidigo we menio. Tama magi ilama, tama tiwaibawe?” Tama te ensel mobo bidigo po wei ponoyu, te po walio, “Te Godigo Mobo Bidi asama, tama agai bomogo nage mesegalueibao.”



Tama tibaso, nago tega pabo
wai nogi Godigo nogi poaibao,
'Dwai sę isąbo ogwa dao,'
waibao, 'Te Godigo
Ogwa dao,' waibao.



Te tamadi ganama, ensel dali po miani
elalubadi, Maria aga Judia hanude bulu
du meba palio. Teba sabolama,
aga Sekaraiago beba
sabolama, Elisabetbolo
“Giligade dao” wali.
Tama Mariago
“Giligade dao” wali
po obadi, Elisabetgo
haligade elaluali wai
mobodo yalio.



Te Godigo Dwagi Yai Mobogo Elisabet
beasagasalio. Tama Elisabetgo midigi sali,
Mariabolo daga olama, te po
wai, “Te Godigo nage dali
dwagi yai homu mu ebe
yabao, gasa we dabe
aiyaba elalualio. Nago
uda haliga elalubo
ogwago me tama
naga te waibao,
olo bidi dabe
aiyaba elaluaibao.”




Te Jisas Krais aga ame nani
po, e tiwai dao. Aga ida
Maria augwaligo Josepbolo
noma po wai. Tiali goli
augwali si taluama
bidisiqbadi digi, tama
Mariago suali aga te
Godigo Tedali Mobo
Bidigo se yalima
haliga yai elaluai. Maria aga
bidi Josep, aga te doloba pai
bidi da, tama agai Maria
haliga elalubo po odobaso,
tama agai Mariabolo hale
mabo hagela homu yai.

Tama agai dua
digi naga tama
aga tagalai
homu yai.



Tama Josepgo te homu idubadi, tama nade
Genuai Bidigo ensel mobo bidi me deli
agaba pedelai. Ensel bidigo te po wali,
“Josep, Devitgo ogwa, nago naga we
Maria sabo wi egio. Odao. Te wai
aga haligade sali, te Godigo Tedali
Mobo Bidigo aga mawai dao.”



“Te agai te wai ogwa ame naibao, tama nago aga nogi
Jisas poao. Magi baso meni, agai te we bidi
augwaligo sege elalubo sela sanama
tama augwali ma saibao,” te po wali.



Te Josep godege pilama hodaluama, tama agai te
Genuai Bidigo ensel mobo bidigo aga dali wali po
gilama te tiwai se yai. Agai aga we sai.
Tiali goli te wai ame nisiabadi agai aga
te we dali me pibe, tama aga te wego
wai ogwa ame nabo te sogo pedelai.
Tama agai te wai aga nogi Jisas poai.



Te sogo gavman tobolu bidi Sisar Ogastus bidibo sogo,
te tigidali we bidi nogi sabo sogo bodolu muani.

Tama tibaso, tigidali we
bidi augwa page buluba
nogi sai hagede
pela silalio.



Tama te bidi Josep me aga bidali odogo bulu te Galili tɔ
pedaide elaluali bulu Nasaret taga pelama, te aga waj
Devitgo te Judia tɔde nigali
hanu nogi Betlehem
hanuba holalio.
Josep dali aga
daganasa



bidibo we

Maria dali augwali si me nogi sai hagede holalio.



Tama Mariago haliga
elalualio. Augwali si
Betlehem tede bidibadi
yaide, Mariago wai
tega pabo bodolu
maga yalio.



Tama Maria agai hasia ogwa ame nani. Tama pedai
ugwa nanamenu dabego belama, tama kibu
bulmakaugo nai tubo halobageba
te ogwa wai pilagalama elalualio.
Magi baso menio.

We bidi osogo
pibo be
paḡana

saide.



Te bulu bogu badu kibu sipsip tonalubo bage me badu
bidaluai, tama augwaligo hulide me kibu sipsip tonalubo
dao. Genuai Bidigo ensel Bidi aga
augwali pageba aselama,

te Genuai
Bidigo ula
augwaligo
tigide te
moni ula yali.



Tama augwali moni wi mu yali. Tiali goli “Wi egio,”
enselgo te po wali. “Ena dage pageba dwagi yai po sela
sobao, te we bidigo te po odama,
bugai homu mu emainu
ebao.”



“Megi pio hulide Devitgo hanude wai me tega pai dao,
te agai dage ma dobola saibao, aga te we bidi tau
somainu sa muani Genuai Bidi dao.”



“Dagego gegegi peyu da, te wai bq̃ me ugwa
nanamenu dabego mesega galama, tama bulmakaugo
nai tubo halobage tomode pilai elalubo
sueibao. Telalubo sulama,



dagego
te po mu
daba homu
yaibao,” te
enselgo te po
wai.




Te enselgo te po obadi, polo tama dagalu badu ensel
hauwa mu dulama, te ensel dali dololalubo
sualio. Augwaligo Godigo nogi
ugwaba siyu,



tama walio, “God
agai nogi ugwanu
mu kegenanao.”



“Tq̄de bidibo we bidi homu tegaluama, bidaq̄o.
Augwalibolo Godigo dwagi yai homu
ebao,” te ensel dabego te po wali.



Te ensel dabe dagaluba ma pebelawaide,
te sipsip tonalubo bagego te po wali,
“Da Betlehemba pelama, megi Genuai
Bidigo dabolo wali po page sugi
pebelawaibao,” wali.



Tama augwali polo pali. Gege pelama,
Maria me Josep dali augwali si suali,
te wai bq̃ me bulmakaugo tubo nai
halobage tomode pila mubo suali.



Sulama da, te waide augwaligo odali po
dabe te bidi Josep dali Maria dali augwali
sibolo te po dabe pusa mani.



Te Mariago Jisas te
Betlehem bulude
ame nani, te Judia
tode. Tama te sogo
te moni gavman
tuni bidi nogi




Herot aga bidali. Tama Mariago te
wai Jisas ame nai digi, tama nosali
te sia ge pedalobo badu bidali po
page koneai bidi dabe augwali meba
te Jerusalem moni hanuba sabolali.




Tama augwali te
dagalu hode haniani
po page mu koneai
dao. Tama augwali
Jerusalem hanuba
sabolama,

tama augwaligo te po wai, “Wai
me deli aga te Juda dabego tuni
bidi pedalainogo ame nani, aga
menade bidibowe?”



“Da te sia ge
pedalobo badude
bidibadi dago aga
hq pedalobo sulama,
tama agade



kidu sugunama dago agade
lotu po wainogo digibulu
asai dao,” te po wai.



Tama te po odolama, tama
Herotgo geme te sia ge
pedalobo badu asali te po
page koneani bidi dabe
augwali i wai. Tama augwali
aga pageba aselama, tama
dua dua eyu agai augwalibolo
“Te dagego suali hq te mena
sogo pedalaliwe?” te po
hanalu wali. Tama augwaligo
agabolo te hq
pedalali sogo
pusali.





Tama tilama, agai augwali
te Betlehem buluba tagala
paliyu, tama te po wali,
“Dage pelama, tama bomo
elama te wai gegao. Tama
dagego gegelama subaso
da, teda dagego po enaba
ma sela asao. Tama ena
me pelama, agade kidu
sugunama, eno agade
lotu po wagi
paibao,”
Herotgo
te po wai.



Te augwaligo te tuni bidigo po odama, tama augwali
pai. Tama pobadi, te hq polobadu augwali te sia ge
pedalubo badude bidibadi suali hq,
te hq augwali asobodu polasa
pelama, tama te wai bidibo be
pedu ugwadu dolo dolaluai.

Tama augwali te be
tomoba pelama,
tama augwaligo te
wai aga ida Maria
dali suai.



Tama augwali tobolu basi gulama, tama kidu
sugunama, te waiba lotu po wai. Tama augwaligo

augwa wa dabe dalama, tama
augwaligo te waibolo wiegi yai
nai meba olo mawai, te kapa
nogi gol me, te wiegi yai
denami ebo
pauda nai me, te
tigide wiegi yai
denami ilibo nai,
te tama nai te wai
olo mawai.



Tama tilama, tama Godigo nade augwalibolo te po
pusali, tama augwa te moni gavman tuni bidi Herot
bidibo digi ma pigio te po wai.
Tama augwali gasa tɔdu peyu,
augwa buluba ma pai.



Te Jisas suagasali po page
koneai bidi dabe pela silai digi,
tama Genuai Bidigo ensel
mobo bidi Josepba nade
pedalai. Ensel mobo
bidigo te po wai, “Nage
hodaluama te wai bqꞰ
aga ida dali selama,
tama Isip tqba wi pao.”



“Te genuai gavman tuni bidi
Herot agai te wai bq̃u te ela
muabo homu eyu, aga gegebo
tamadi gagalaibao. Tama
tibaso, megi wi pao. Tama
nage Isip t̃ode bidibadi
te eno ma asao obaso
nage asao,” te po wai.



Tama Josep hulide digi
hodaluama te wai aga ida dali
selama, tama aga Isip buluba
pabo gagalali. Tama Josep te
Isip tɔde bidibadi tama te
moni gavman tuni bidi
Herot isabo sogo
tonaluyu bidali.




Te pedalali sę te tiwai te po
me deli te Genuai Bidigo te
agai po pusubo profet bidigo
pedauwalidu wali po usu
numainogo yai. Agai te po
wali, “Eno ogwa aga
Isipde bidibadi, tama
eno aga tedu
asomainogo
i wai dao.”




Tialima te genuai gavman tuni
bidi Herotgo koneama, te giliga
pedalobo badu asali po page
koneai bidi augwaligo
agai wali po tudiba munama,
tama gasa tūdu geme pai homu
yali, tialima aga sēbē mu yai.



Tama agai enesigi bidi dabe
tagala paliyu, augwalibolo te
po wai, “Dagego te Betlehem
bulude me te pade elalubo
bulude me tede bidibo ogwa wai
dabe te kibu be si yabo tomode
augwali tigidali ela muao, te po
wali.”



Agai te po page koneai
bidi augwalibolo te hq hasia
pedelali sogode hanalu badi,
tama augwaligo aga dali te wali
po homugo ma koneama, agai
kibu be si weyu tama tiwai dao.






Te nosali te moni gavman tuni
bidi Herot isai. Tialima Isip
buluba te Genuai Bidigo ensel
mobo bidi Josep bidibo digi
nade pedelai. Tama agai
te po wai, “Nage
hogodolama, te wai
aga ida dali selama,
tama nage te Israel
tq̄ba ma pao.

Te wai elainogo yali
bidi dabe, augwali
isai dao,” te po wai.



Tiali goli agai odali, te
bidi Arkelausgo te aga
aya gavman genuai
bidi Herotgo yali sę
selama, tama te
Judia



genuai tęde gavman
tuni bidi sę eyu bidibo po
wai. Tama aga te po odobaso, aga te
Judia genuai tęba bidigi pabo wi yali.



Tama nade gasa po me
Godigo agabolo olama,
tama aga te Galili
genuai tɔba pai. Tama
te tɔba sabolama,
tama aga
te


hanu
me nogi Nasaret te
hanuba bidigi pai. Tama te sɛ yaligo
da te Godigo po pusali profet dabego
wali po usu nubao, "Tama augwaligo aga te Nasaret
hanu te bulu bidi dao, te po waibao," te po wali.



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krais hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝥ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝓde bidibo we bidi godolo mu eyu, tama augwali tau somainogo eyu, God agai Ogwa te e tꝓba tagala palali. Tama tiali da, tꝓde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te sꝑ yai. Godigo aga Ogwa e tꝓba tagala palali te e tꝓde we bidi po tꝓ dodolomainogo me tagala palobeo. Te menio. God aga Ogwa tagala palali da, te da tꝓde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Matyu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Dadibi Bible (mps) © 2002, Wycliffe Bible Translators, Inc.
All rights reserved.

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org

www.bibleforchildren.org

